



*Agency for Development of Higher Education and Quality Assurance*

Broj: 05-33-1-199-6/14  
Datum: 15.09.2014. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09), u postupku akreditacije visokoškolske ustanove „**Internacionalni univerzitet u Sarajevu**“, a po zahtjevu Ministarstva za obrazovanje, nauku i mlade Kantona Sarajevo, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova, direktor Agencije za razvoj visokog obrazovanja i osiguranje kvaliteta donosi :

**P R E P O R U K U**

1. Daje se **Preporuka o akreditaciji** visokoškolske ustanove „Internacionalni univerzitet u Sarajevu“, na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova.
2. Ministarstvo za obrazovanje, nauku i mlade Kantona Sarajevo će u predmetnom postupku akreditacije u skladu sa zakonskom regulativom izdati Rješenje o akreditaciji, na osnovu Izvještaja i ocjene Komisije stručnjaka i uzimajući u obzir ovu Preporuku.
3. Nakon postupanja iz tačke 2. ove Preporuke, Ministarstvo za obrazovanje, nauku i mlade Kantona Sarajevo će Agenciji za razvoj visokog obrazovanja i osiguranje kvaliteta dostaviti upravni akt o ishodu akreditacije radi daljnjeg postupanja po članu 49. Okvirnog zakona o visokom obrazovanju u Bosni i Hercegovini.

**O b r a z l o ž e n j e**

Ministarstvo za obrazovanje, nauku i mlade Kantona Sarajevo je 12.03.2014. godine dostavilo Agenciji za razvoj visokog obrazovanja i osiguranje kvaliteta prijedlog za imenovanje Komisije stručnjaka koji daju ocjenu i obavljaju reviziju kvaliteta i daju preporuku o akreditaciji visokoškolske ustanove „Internacionalni univerzitet u

Sarajevu“ (u daljem tekstu: Komisija). Nakon što je utvrđeno da se predloženi članovi Komisije nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11) (u daljem tekstu: Odluka), Agencija za razvoj visokog obrazovanja i osiguranje kvaliteta je u skladu sa članom 49. alineja 4) Okvirnog zakona o visokom obrazovanju u Bosni i Hercegovini, imenovala Komisiju stručnjaka Rješenjem broj: 05-33-1-199-3/14 od 18.03.2014. godine.

Dana 12.09.2014. godine dostavljen je Izvještaj Komisije o eksternoj evaluaciji u kojem je data analiza, ocjena i revizija kvaliteta ove ustanove. U Izvještaju je sadržano i mišljenje Komisije o akreditaciji koje glasi: „Na osnovu toga što je svaki od devet kriterija za akreditaciju ocijenjen kao potpuno ili znatno ispunjen, Komisija je utvrdila da Internacionalni univerzitet u Sarajevu ispunjava uslove za punu akreditaciju te daje mišljenje – akreditirati Internacionalni univerzitet u Sarajevu“.

U pogledu kvaliteta visokoškolske ustanove „Internacionalni univerzitet u Sarajevu“ Komisija stručnjaka je u skladu s Odlukom o normama kojima se utvrđuju minimalni standardi u području visokog obrazovanja u Bosni i Hercegovini, ispunjenost devet kriterija ocijenila sljedećim ocjenama, te dala sljedeće preporuke:

***a) RAZVOJ I STRATEGIJA VISOKOŠKOLSKE USTANOVE***

**Ocjena: znatno ispunjen**

**Preporuke za unapređenje:**

- Strategiju razvoja IUS, kao i sve druge dokumente u kojima su definisane osnove strateškog planiranja, neophodno je učiniti dostupnim za javnost putem web linka.
- Prilikom izrade strategije razvoja IUS za naredni period, pored iskustava stečenih kroz implementaciju postojeće strategije, potrebno je u znatno većoj mjeri uključiti i sve relevantne vanjske aktere.
- Pored generalnih strateških ciljeva, u okviru strategije bi bilo poželjno definisati i strateške ciljeve koji bi imali kraći rok izvršenja, kako ukupni razvoj Univerziteta ne bi zavisio od eventualnih promjena menadžmenta.

**b) UPRAVLJANJE, UNUTRAŠNJE OSIGURANJE KVALITETA I KULTURA KVALITETA**

**Ocjena: znatno ispunjen**

**Preporuke za unapređenje:**

- Upravni odbor Univerziteta je predominantno sastavljen od članova koje je imenovao osnivač. S obzirom na vrstu i strukturu Univerziteta, ovo je očekivano. Međutim, Komisija smatra da bi povećanje broja članova Upravnog odbora imenovanih iz reda nastavnika i saradnika Univerziteta moglo značajno da unaprijedi rad i budući razvoj Univerziteta.
- S obzirom na implementirani sistem za osiguranje kvaliteta, služba za osiguranje kvaliteta bi trebala postojati kao neovisno tijelo i biti u službi samog rektora.

**c) PROCEDURE ZA OSIGURANJE KVALITETA STUDIJSKIH PROGRAMA**

**Ocjena: znatno ispunjen**

**Preporuke za unapređenje:**

- Informacije vezane za studijske programe su dostupne na web stranici Univerziteta, ali samo za one koji imaju šifre za pristup. U cilju povećanja transparentnosti studijskih programa, visokoškolska ustanova bi trebala sve informacije o studijskim programima učiniti dostupnima svim zainteresiranim.

**d) PROCEDURE ZA OCJENJIVANJE STUDENATA**

**Ocjena: potpuno ispunjen**

**Preporuke za unapređenje:**

- S obzirom na relativno zgusnut raspored termina za polaganje ispita, bilo bi poželjno racionalnije sagledati sve studijske programe, prilagoditi kalendar polaganja ispita i osigurati studentima dovoljno vremena između dva ispita.

**e) LJUDSKI RESURSI**

**Ocjena: znatno ispunjen**

**Preporuke za unapređenje:**

- Visokoškolska ustanova bi trebala napraviti jedinstvenu bazu podataka kako bi se lakše mogao pratiti pregled godišnje publicistike vlastitog nastavnog osoblja.
- Pored dobrih uslova za napredovanje nastavnog osoblja, potrebno je osigurati uslove za odgovarajuće vidove obuke i usavršavanje administrativnog osoblja.

**f) KVALITET FIZIČKIH RESURSA**

**Ocjena: znatno ispunjen**

**Preporuke za unapređenje:**

[www.hea.gov.ba](http://www.hea.gov.ba), e-mail:[info@hea.gov.ba](mailto:info@hea.gov.ba)

- Kako bi se poboljšao praktičan rad studenata i omogućio kvalitetniji naučnoistraživački rad nastavnika, potrebno je unaprijediti laboratorijsku opremu i nabaviti uređaje shodno implementiranim studijskim programima.
- Neophodno je poboljšati trenutni kvalitet bibliotečkih resursa.

**g) INFORMACIONI SISTEMI**

**Ocjena: znatno ispunjen**

**Preporuke za unapređenje:**

- Obzirom da su na visokoškolskoj ustanovi trenutno u upotrebi dva informaciona sistema, neophodno je ubrzati punu implementaciju novog, naprednijeg informacionog sistema.

**h) PREZENTACIJA INFORMACIJA ZA JAVNOST**

**Ocjena: potpuno ispunjen**

**Preporuke za unapređenje:**

- Potencijalnim studentima omogućiti pristup detaljnim informacijama o svim studijskim programima, koje bi uključivale i sadržaj kurseva, metode izvođenja nastave, način ocjenjivanja i slično.

**i) MEĐUNARODNA SARADNJA**

**Ocjena: znatno ispunjen**

**Preporuke za unapređenje:**


- Povećati aktivnost na međunarodnoj saradnji u smislu povećanja učešća na međunarodnim projektima kao što su bili Tempus, FP ili projektima iz programa Horizon 2020, IPA programa i sličnim međunarodnim projektima.

Na osnovu naprijed navedenog, daje se preporuka kao u dispozitivu.

Prilog:

- Finalni izvještaj Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova, odnosno njihovih studijskih programa od 10.08.2014.g.

S poštovanjem,



Dostaviti:

- naslovu
- sektor 05
- arhivi

www.hea.gov.ba, e-mail: info@hea.gov.ba

BA – 78000 Banja Luka, Stepe Stepanovića 11, Tel.: +387 51 462 300, Fax: +387 51 462 302,